



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1691. usque ad annum 1701

**Fleury, Claude**

**August. Vind. [u.a.], 1781**

**VD18 13322648**

§. 75. Pax Carloviziensis inter Cæsarem & Turcas.

---

[urn:nbn:de:hbz:466:1-67627](https://nbn-resolving.org/urn:nbn:de:hbz:466:1-67627)



Sec. XVII,  
A. C. 1699.

## §. LXXV.

*Pax Carlovizienfis inter Cæſarem  
& Turcas.*

Germania per nuperas inducias ut-  
cunque pacata, Angliæ & Sueciæ  
Reges Batavique, ut Cæſarem ad pa-  
cem cum Sultano ineundam induce-  
rent, nullum non moverunt lapidem;  
eapropter a Turcis, qui iteratis cladi-  
bus quidem fracti, præ pudore tamen  
pacem exorare horrebant, ſollicitati  
jam anno priori Legatos ſuos Conſtan-  
tinopoli Viennam decrevere, ut ibidem  
pro Turcis agerent: In medio victoria-  
rum curſu Leopoldo intempeſtiva vide-  
batur pacis tractatio; cum tamen ex  
adverſa Hispani Regis valetudine vici-  
nam mortem, ac inde oriturum abs-  
dubio graviffimum bellum proſpiceret,  
dubium armorum ſucceſſum certæ paci  
poſthabuit. Conveniunt ergo apud  
Carlovitzium ignobile in Sirmiis pa-  
gum Mediatores, & quidem Cæſaris  
nomine Wolfgangus Comes Oettinga-  
nus, & Leopoldus Comes Schlikius,  
decernebantur a Polono Malachovius  
Palatinus Poſnaniensis, a Moſcho Bog-  
danovizius, a Venetis Carolus Ruz-  
zinus Eques, ab Anglis Guilielmus  
Pagettus & denique a Batavis Jacobus  
Colye-

*Wagner  
Hiſt. Leop.  
lib. 10.  
Theatr. Eu-  
rop. t. 15.  
Hiſt. du  
Princ, Eug.  
tom. 1.*



Sæc. XVII. Golyerius. Legatus a Sultano erat  
A. C. 1699. Reis Mehemet Effendi Imperii Otto-  
 manici Cancellarius, qui a secretis ha-  
 bebat Alexandrum Scarlatum Mauro-  
 Cordatum. Prosperi successus omen,  
 auguriumque erat Turcarum prompti-  
 tudo, qua nondum intellecto Oratorum  
 adventu jamjam inducias promulga-  
 bant: patefacta hunc in modum pacis  
 janua de utriusque partis conditioni-  
 bus ac postulatis agi cæptum, ac præ-  
 primis Turcæ insperata impudentia  
 Transylvaniam repetierunt; rejecta au-  
 tem horum petitione acrior erat conten-  
 tio de præscribendis Temesiani finibus,  
 ubi tamen post diuturnas altercationes  
 tandem conventum, ut Cæsari Tran-  
 sylvania asseratur & læva ripa Turci-  
 cum, dextera Cæsareum dominatum  
 circumscribat: postea Cisdanubianus  
 Sirmii limes ad Savii & Danubii ostia,  
 necnon Croaticus ad Unnam descriptus  
 est, & Caminecium cum Podolia &  
 Uckrania Polonis assertum: Minus au-  
 tem faciles sese Turcæ exhibebant Mo-  
 scho Kerezam repetenti, quocirca hic  
 insciis ceteris biennii inducias iniit,  
 interim Constantinopoli de hac contro-  
 versia transacturus: hunc quoque cu-  
 neum solvendo inextricabili nodo circa  
 Peloponesium limitem adhibuere Ve-  
 neti, ita tamen, ut pax a ceteris rata  
 non



non haberetur, donec ipsi vel pace vel Sæc. XVII.  
 induciis transegissent, postmodum ta- A. C. 1699.  
 men data est eis Morea, Leocadia, Ægina, San-Maura,  
 cunctaque loca per Dalmatiam usque ad Castellum no-  
 vum occupata, Turcis reddito Lepanto. His ita conventis communi assensu vi-  
 gesima secunda Januarii dies tanquam hujus negotiationis meta designabatur,  
 ac demum composita de Dalmaticis finibus contentione Pax præprimis Cæ-  
 sarea ad viginti quinque annos, dein Polonica, ac postremo Veneta a Con-  
 ciliatoribus præfata die subscripta est. Ceterum in Religionis Catholicæ bo-  
 num nonnulla pariter sancita fuere, & quidem in articulo decimo tertio pacis  
 cum Cæsare pactæ conclusum, ut hæc Religio ubicunque antea fuerit culta,  
 etiamnum libere exerceretur, & quicquid a Sultanis unquam in gratiam  
 Catholicorum vel ex pacto vel edicto indultum fuisset, denuo concessum in-  
 telligeretur, proin collapsas Ecclesias sarcire, divinumque cultum sine omni  
 vexatione vel tributo etiam Palæstinæ exercere liceret. Eadem libertas pa-  
 riter Catholicis asserta est in instru-  
 mento pacis inter Polonos, Venetos & Turcas stabilitæ. Hæc denique pax  
 Viennæ promulgabatur, non sine in-  
 genti omnium lætitia, cujus veluti præ-



Sæc. XVII. præfaga erat Wilhelmina Amalia Joannis Hanoverani Ducis Catholici Filia, ac Regia Josephi I. Romanorum Regis Sponsa, quæ die vigesima quarta Februarii Viennam solemni pompa ingressa erat.

## §. LXXVI.

*Calvinistarum tumultus in Galliis.*

Gottfrid.  
Hist. cont.  
Chron.

p. 541. l. 13.  
Briet. annual. cont.

**A**dhucdum Ludovicus XIV. Franciæ Rex Hugonotas ab erroris semita ad veritatis viam reducere conatus est, huncque in finem die septima Januarii edictum promulgari jussit, vi cuius omnes, qui e Galliis profugerant, amplissimis pollicitationibus ad reditum sollicitabantur, illis vero, qui adhucdum sectæ suæ immortui in Francia hærebant, indicta triremium poena die undecima Februarii inhibuit, ne Regno excederent: Non pauci tamen reperiebantur, qui aut poenarum metu, aut melioris fortunæ spe fidem Catholicam se amplexos simulabant, clam tamen atque in secretis conventiculis Calvinianæ sectæ exercitiis vacabant: nullibi tamen majore impudentia Deo, Ecclesiæ, ac Principi suo insultarunt, quam Vectiæ inferioris Occidanæ oppido; ad hanc enim urbem nundinarum occasione magno numero confluentes,